

Ti Ne Parti

Ti ne parti per un annu
À serve ne sullatu
À mè mi ti lasci qui
Cù u core addisperatu
Presta è fammi ghjuramentu
D'esse sinceru è fidatu

Dopu ch'è tù si partutu
U mondu n'hè scuntentu
M'ai lasciata qui sola
E s'offre mi faci tantu
Nun sentu più la to voce
E ne menu lu to cantu

Lo mi tengu sola sola
Chjosa in una stanza
Tesoru lu mio culombu
Teni currispudanza
Cù la mio penna mi cunsolu
Scrivendu la mio speranza

La sera quandu ne ghjungu
Sempre n'aghju l'affannu
Quandu mi calu per scrive
A penna mi trema in manu
S'è tu mi lasci qui sola
La ghjente chi diceranu.